



05-01/29.11.23 MF

Priloga	29.11.2023.		
Org. jed	Org.	Jednaci	
01-03-17195-1-2/23			

05-03/29.11/23.6

Broj: 01-03-17195-1-2/23
Zenica, 24.11.2023. godine

SKUPŠTINA
ZENIČKO - DOBOJSKOG KANTONA
n/r predsjedavajućeg

PREDMET: Prijedlog Odluke o davanju saglasnosti na Odluku o izmjenama i dopuni Poslovnika o radu Nezavisnog odbora - dostavlja se

U prilogu ovog dopisa, dostavljamo Vam Prijedlog Odluke o davanju saglasnosti na Odluku o izmjenama i dopuni Poslovnika o radu Nezavisnog odbora, radi razmatranja iste na sjednici Skupštine Zeničko-dobojskog kantona.

S poštovanjem,

PRILOZI:

- Prijedlog Odluke o davanju saglasnosti na Odluku o izmjenama i dopuni Poslovnika o radu Nezavisnog odbora
- Odluka o izmjenama i dopuni Poslovnika o radu Nezavisnog odbora broj: 01-03-17195-1/23 od 24.11.2023. godine
- Poslovnik o radu Nezavisnog odbora („Službene novine Zeničko-dobojskog kantona“, broj: 12/23)
- Popunjen obrazac Izjave o fiskalnoj procjeni (Obrazac IFP NE)

DOSTAVLJENO:

1x Naslovu,
1 x Predmet 7. sjednice Nezavisnog odbora/04-02

PREDSJEDAVAJUĆI
Semir Šut

PRIJEDLOG

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), Skupština Zeničko-dobojskog kantona, na _ sjednici održanoj dana ___2023. godine, d o n o s i:

O D L U K U **o davanju saglasnosti na Odluku o izmjenama i dopuni Poslovnika o radu** **Nezavisnog odbora**

Član 1. **(Davanje saglasnosti)**

Skupština Zeničko-dobojskog kantona daje saglasnost na Odluku o izmjenama i dopuni Poslovnika o radu Nezavisnog odbora broj: 01-03-17195-1/23 od 24.11.2023. godine.

Član 2. **(Stupanje na snagu i objavljivanje)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREDSJEDAVALAČI

Ćazim Huskić

Broj: 01-30-_____/23
Datum, _____.2023. godine
Z e n i c a

OBRAZLOŽENJE

I – PRAVNI OSNOV

Pravni osnov za donošenje Odluke sadržan je u članu 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), kojim je propisano da je Nezavisni odbor dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

II – RAZLOZI ZA DONOŠENJE

Razlog za donošenje Odluke je postupanje po odredbi člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), koji se počeo primjenjivati od 01.01.2019. godine, po kojem Skupština Kantona daje saglasnost na Poslovnik o radu Nezavisnog odbora, a shodno tome i na sve izmjene i dopune istog.

III-OBRAZLOŽENJE PREDLOŽENIH RJEŠENJA

Članom 1. propisano je davanje saglasnosti Skupštine Zeničko-dobojskog kantona na Odluku o izmjenama i dopuni Poslovnika o radu Nezavisnog odbora.

Članom 2. propisano je stupanje na snagu Odluke danom donošenja iz razloga kontinuiranog nastavka rada Nezavisnog odbora, kao i njeno objavljivanje u „Službenim novinama Zeničko-dobojskog kantona.“

IV- FINANSIJSKA SREDSTVA

Za provođenje ove Odluke nisu potrebna dodatna finansijska sredstva.

NEZAVISNI ODBOR

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), Nezavisni odbor, na 7. sjednici, održanoj dana 24.11.2023. godine, d o n o s i:

**Odluku
o izmjenama i dopuni Poslovnika o radu Nezavisnog odbora**

Član 1.

(Dopuna člana 6.)

U Poslovniku o radu Nezavisnog odbora („Službene novine Zeničko-dobojskog kantona“, broj: 12/23), u članu 6. iza stava 3. dodaju se novi stavovi 4. i 5. koji glase:

„U slučaju nemogućnosti obezbjeđenja prisustva članova Nezavisnog odbora u zajedničkoj prostoriji u kojoj se održavaju sjednice Odbora zbog vanrednih prilika (opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično) ili u slučajevima hitnosti po prijedlogu predsjedavajućeg Nezavisnog odbora, sjednice Odbora se mogu održavati telefonskim putem, elektronskim putem, kao i drugim obezbijeđenim oblikom elektronske komunikacije.

U slučaju održavanja sjednica Nezavisnog odbora elektronskim putem, glasanje se obavlja izjašnjavanjem putem e-maila kontakta članova Odbora ili drugim obezbijeđenim oblikom elektronske komunikacije, a u slučaju održavanja sjednice Odbora telefonskim putem, glasanje se vrši usmeno posredstvom, po ovlaštenju predsjedavajućeg Odbora, ovlaštenog zaposlenika Stručne službe Skupštine Zeničko-dobojskog kantona.“

Član 2.

(Izmjena člana 9.)

U članu 9. u stavu 1. iza riječi „predlaže“ briše se interpunkcijski znak zarez i riječi „pregled izvršenja zadataka“.

U članu 9. u stavovima 3., 4. i 5. riječ „pet“ zamjenjuje se sa riječi „tri“.

Član 3.

(Izmjena člana 15.)

U članu 15. stav 1. mijenja se i glasi:

„Kad razmatra izvještaj o radu policijskog komesara, Nezavisni odbor donosi Zaključak o prihvatanju, odbijanju ili odlaganju izjašnjavanja po istom radi njegovog daljeg proučavanja ili dorade.“

Član 4.

(Izmjena člana 26.)


U članu 26. stav 1. brišu se riječi „i vještine u korištenju kancelarijske tehnologije“.

Član 5.

(Stupanje na snagu i objavljivanje)

Ova Odluka stupa na snagu danom davanja saglasnosti Skupštine Zeničko-dobojskog kantona na istu i objavit će se u „Službenim novinama Zeničko-dobojskog kantona“.

Broj: 01-03-17195-1/23
Zenica, dana 24.11.2023. godine





Godina XXVIII - Broj 12

ZENICA, srijeda, 02.08.2023.god.

SKUPŠTINA

333.

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), Skupština Zeničko-dobojskog kantona, na 11. sjednici održanoj 17.07.2023. godine, donosi:

ODLUKU

**o davanju saglasnosti na Poslovnik o radu
Nezavisnog odbora**

Član 1.**(Davanje saglasnosti)**

Skupština Zeničko-dobojskog kantona daje saglasnost na Poslovnik o radu Nezavisnog odbora broj: 01-03-10261-1/23 od 30.06.2023. godine.

Član 2.**(Stupanje na snagu i objavljivanje)**

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-30-11436/23

Datum, 17.07.2023. godine

Zenica

**ZAMJENIK
PREDSJEDAVALAČE**

Goran Bulajić, s.r.

.....

334.

Na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), Nezavisni odbor, na 1. (konstituirajućoj) sjednici, održanoj dana 30.06.2023. godine, donio je

POSLOVNIK

o radu Nezavisnog odbora

I OPĆE ODREDBE**Član 1.****(Predmet Poslovnika)**

Poslovnikom o radu Nezavisnog odbora, (u daljem tekstu: Poslovnik), uređuje se način rada i odlučivanje Nezavisnog odbora (u daljem tekstu: Nezavisni odbor), finansiranje Nezavisnog odbora i druga pitanja koja se odnose na rad i funkcionisanje Nezavisnog odbora.

Sjedište Nezavisnog odbora je u Zenici, ul. Kučukovići br. 2. Nezavisni odbor na svojim aktima koristi pečat Skupštine Zeničko-dobojskog kantona, a isti funkcionira kao nezavisno tijelo unutar Skupštine Zeničko-dobojskog kantona i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

Član 2.

**(Način rada Nezavisnog odbora, izbor
predsjedavajućeg i donošenje Poslovnika o radu)**
Nezavisni odbor radi i odlučuje u sjednicama.

Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenja svakih 7 mjeseci.

Članovi Nezavisnog odbora mogu vršiti određene poslove u vezi sa svojim radom u ovom organu i van sjednica, a po ovlaštenju Nezavisnog odbora.

Član 3.

(Način izbora predsjedavajućeg)

Predsjedavajućeg Nezavisni odbor bira većinom glasova ukupnog broja članova Nezavisnog odbora iz reda članova.

Prijedlog za izbor predsjedavajućeg može dati svaki član Nezavisnog odbora.

U slučaju da predsjedavajući Nezavisnog odbora bude spriječen ili u nemogućnosti da obavlja svoju dužnost, poslove predsjedavajućeg će obavljati član Nezavisnog odbora kojeg većinom glasova odredi Nezavisni odbor.

Član 4.

(Ovlaštenja predsjedavajućeg)

Predsjedavajući Nezavisnog odbora organizuje rad Nezavisnog odbora.

Predsjedavajući Nezavisnog odbora predstavlja Nezavisni odbor, saziva sjednice i predsjedava im, stara se o primjeni ovog Poslovnika, kao i o odredbama zakona koji se odnose na rad Nezavisnog odbora, pokreće inicijativu za razmatranje pojedinih pitanja iz djelokruga rada Nezavisnog odbora, stara se o provođenju akata Nezavisnog odbora, potpisuje akta koja donosi Nezavisni odbor i vrši i druge poslove koje mu povjeri Nezavisni odbor.

Član 5.

(Obavljanje administrativnih poslova)

Administrativne poslove za Nezavisni odbor obavlja Stručna služba Skupštine Zeničko-dobojskog kantona.

Član 6.

(Održavanje sjednica i javnost rada)

Sjednice Nezavisnog odbora održavaju se najmanje jednom mjesečno, a po potrebi i češće.

Rad Nezavisnog odbora je javan.

Izuzetno, Nezavisni odbor može odlučiti da se po raspravi o pojedinim pitanjima isključi javnost.

II PRIPREMANJE SJEDNICE NEZAVISNOG ODBORA

Član 7.

(Sazivanje sjednica Nezavisnog odbora)

Sjednicu Nezavisnog odbora saziva predsjedavajući po svojoj inicijativi ili po prijedlogu člana Nezavisnog odbora.

Predsjedavajući Nezavisnog odbora dužan je sazvati sjednicu na zahtjev najmanje jedne trećine članova Nezavisnog odbora.

U slučaju spriječenosti predsjedavajućeg da sazove sjednicu, sjednicu saziva najstariji član Nezavisnog odbora.

Sjednica Nezavisnog odbora saziva se aktom o sazivanju sjednice koji sadrži naročito: mjesto i vrijeme održavanja sjednice, prijedlog dnevnog reda i lica koja na sjednicu treba pozvati.

U slučajevima hitnosti, predsjedavajući Nezavisnog odbora može sazvati sjednicu i telefonskim putem, uz pomoć Stručne službe Skupštine, uz obavezu da na sjednici Nezavisnog odbora obrazloži razloge hitnosti.

Član 8.

(Prijedlog dnevnog reda sjednice)

Prijedlog dnevnog reda sjednice Nezavisnog odbora utvrđuje predsjedavajući, u saradnji sa Stručnom službom Skupštine.

Član 9.

(Dostavljanje materijala i poziva za sjednicu)

Materijal za sjednicu Nezavisnog odbora sadrži obrazloženje prijedloga akata čije se donošenje predlaže, pregled izvršenja zadataka i zapisnik sa prethodne sjednice Nezavisnog odbora.

Materijal za sjednicu dostavlja se članovima Nezavisnog odbora uz poziv za sjednicu.

Poziv za sjednicu upućuje se članovima Nezavisnog odbora najkasnije pet dana prije dana određenog za održavanje sjednice.

Izuzetno, predsjedavajući Nezavisnog odbora može sazvati sjednicu u roku kraćem od pet dana, a dnevni red predložiti na samoj sjednici.

Predsjedavajući Nezavisnog odbora će obavijestiti članove o razlozima zakazivanja sjednice u roku kraćem od pet dana.

III SJEDNICA NEZAVISNOG ODBORA**Član 10.****(Predsjedavanje sjednicom Nezavisnog odbora)**

Sjednicom Nezavisnog odbora predsjedava predsjedavajući.

U slučaju spriječenosti predsjedavajućeg, sjednicom predsjedava član Nezavisnog odbora kojeg većinom glasova odredi Nezavisni odbor.

Radi potpunijeg sagledavanja pojedinih pitanja, čije razmatranje je u nadležnosti Nezavisnog odbora, predsjedavajući Nezavisnog odbora na sjednicu može, po potrebi, pozvati predstavnike odgovarajućih organa i drugih pravnih osoba i građana.

Član 11.**(Tok sjednice Nezavisnog odbora)**

Predsjedavajući Nezavisnog odbora otvara sjednicu i utvrđuje da li sjednici prisustvuje potreban broj članova Nezavisnog odbora za punovažno odlučivanje i daje eventualna obavještenja u vezi sa sjednicom, nakon čega se pristupa usvajanju predloženog dnevnog reda sjednice.

Nezavisni odbor utvrđuje dnevni red sjednice na prijedlog predsjedavajućeg.

Član Nezavisnog odbora može izuzetno i na sjednici predložiti da se na dnevni red stavi određeno pitanje uz odgovarajuće obrazloženje.

Izuzetno, na sjednici se prijedlog dnevnog reda može i izmijeniti, uz obrazloženje razloga za izmjene istog.

Prije prelaska na prvu tačku dnevnog reda sjednice, Nezavisni odbor usvaja zapisnik sa prethodne sjednice.

O eventualnim primjedbama stavljenim na zapisnik, Nezavisni odbor odlučuje prilikom usvajanja zapisnika.

Član 12.**(Lica koja prisustvuju sjednici)**

Sjednici Nezavisnog odbora u pravilu prisustvuje predsjedavajući, članovi Nezavisnog odbora i predstavnici Stručne službe Skupštine Zeničko-dobojskog kantona, kao i pozvani predstavnici odgovarajućih organa i drugih pravnih osoba i građana.

Član 13.**(Prava učesnika na sjednici i pridržavanje reda)**

Član Nezavisnog odbora, odnosno učesnik, može govoriti kada dobije riječ od predsjedavajućeg Nezavisnog odbora.

Predsjedavajući daje riječ učesnicima na sjednici po redu prijavljivanja.

Članovi Nezavisnog odbora i drugi učesnici treba da svoja izlaganja prilagode sadržini i značaju pitanja o kojima se vodi rasprava po utvrđenom dnevnom redu.

Predsjedavajući se stara da učesnik na sjednici ne bude ometan u govoru.

U slučaju da se član Nezavisnog odbora ili drugi učesnik na sjednici udalji od dnevnog reda, predsjedavajući će ga upozoriti da se drži dnevnog reda.

Član 14.**(Kvorum za održavanje sjednice i način donošenja odluka)**

Nezavisni odbor može zasjedati ukoliko je prisutno pet od sedam članova.

Na redovnim sjednicama Nezavisni odbor donosi odluke, za koje su glasala najmanje četiri člana.

Na sjednicama na kojima se odlučuje o izboru, prijedlogu o smjeni i godišnjoj ocjeni rada policijskog komesara, Nezavisni odbor donosi odluke za koje je glasalo najmanje pet članova.

Odluke se donose javno, a zapisnik o glasanju članova Nezavisnog odbora koji sadrži izjašnjenje svakog člana je dostupan javnosti.

Član 15.**(Razmatranje izvještaja i informacija)**

Kad razmatra izvještaje o radu policijskog komesara i izvještaja o radu Uprave policije i stanju bezbjednosti na području Zeničko-dobojskog kantona, Nezavisni odbor donosi Zaključak o njihovom prihvatanju, odbijanju ili odlaganju izjašnjavanja po istim radi njihovog daljeg proučavanja ili dorade tih izvještaja.

U slučaju razmatranja izvještaja, kao i određenih informacija o pitanjima koja nisu u nadležnosti Nezavisnog odbora, isti ih prima na znanje.

Član 16.**(Uređivanje pitanja koja nisu uređena Poslovníkom o radu)**

Ukoliko neko pitanje rada Nezavisnog odbora nije uređeno ovim Poslovníkom, to pitanje će se uređiti posebnim zaključkom Nezavisnog odbora, a ukoliko je to pitanje regulisano Zakonom o unutrašnjim poslovima Zeničko-dobojskog kantona, na isto će se primijeniti odgovarajuće odredbe navedenog zakona.

Član 17.**(Odlaganje sjednice Nezavisnog odbora)**

Zakazana sjednica Nezavisnog odbora odlaže se kada nastupe razlozi koji onemogućavaju održavanje sjednice u zakazani dan.

Sjednica Nezavisnog odbora odlaže se i kada se poslije otvaranja sjednice ustanovi da sjednici ne prisustvuje dovoljan broj članova Nezavisnog odbora za punovažno odlučivanje.

Član 18.**(Zaključivanje sjednice Nezavisnog odbora)**

Po završenom pretresu i odlučivanju o svim pitanjima koja su na dnevnom redu sjednice, predsjedavajući jasno utvrđuje da je sjednica Nezavisnog odbora zaključena.

IV ZAPISNIK**Član 19.****(Vođenje i sadržaj zapisnika)**

O radu sjednice Nezavisnog odbora vodi se zapisnik.

O vođenju zapisnika stara se Stručna služba Skupštine.

U zapisnik se unosi: redni broj sjednice, ime predsjedavajućeg, imena prisutnih i odsutnih članova Nezavisnog odbora, imena lica koja po pozivu prisustvuju sjednici, dan i sat početka i završetka sjednice, dnevni red i stavove, odnosno zaključke donesene po pojedinim pitanjima. U zapisnik se unose i rezultati glasanja povodom pojedinih pitanja.

Svaki član Nezavisnog odbora ima pravo da traži da se njegove izjave i prijedlozi unesu u zapisnik.

Zapisnik se po pravilu usvaja na narednoj sjednici Nezavisnog odbora.

Član 20.**(Usvajanje zapisnika)**

Svaki član Nezavisnog odbora ima pravo da na narednoj sjednici stavi primjedbu na zapisnik.

O osnovanosti primjedbe odlučuje Nezavisni odbor.

Ukoliko se primjedba usvoji, u zapisniku će se izvršiti odgovarajuće izmjene.

Usvojeni zapisnik potpisuje predsjedavajući Nezavisnog odbora i osoba koja vodi zapisnik.

Na sjednici Nezavisnog odbora mogu se voditi stenografske bilješke, odnosno vršiti tonsko snimanje, kada iste bilješke odnosno tonski snimak sjednice postaju sastavni dio zapisnika.

V POSTUPAK PREDLAGANJA KANDIDATA ZA POLICIJSKOG KOMESARA**Član 21.****(Objavljivanje javnog konkursa za imenovanje policijskog komesara)**

Nezavisni odbor objavljuje javni konkurs najkasnije u roku od 3 (tri) mjeseca prije isteka mandata policijskog komesara.

U slučaju razrješenja policijskog komesara, javni konkurs raspisuje se u roku od 15 dana od dana razrješenja.

Javni konkurs objavljuje se u „Službenim novinama Federacije Bosne i Hercegovine“ i u najmanje dva dnevna lista koja se distribuiraju na cijeloj teritoriji Bosne i Hercegovine.

Rok za podnošenje prijava je 15 dana od dana zadnjeg objavljivanja konkursa.

Tokom provođenja konkursa primjenjuje se princip transparentnosti i zakonitosti.

Član 22.**(Forma i sadržaj javnog konkursa za imenovanje policijskog komesara)**

Konkurs za policijskog komesara će biti u skladu sa standardnom formom za konkurse.

Konkurs sadrži opće i posebne uslove za mjesto policijskog komesara, rok za podnošenje prijava, postupak za prijavljivanje na upražnjeno mjesto, način i mjesto gdje se može dobiti prijavni materijal i potrebne informacije.

Konkurs za policijskog komesara obavezno se oglašava u najmanje dva dnevna lista koja su dostupna čitaocima na cijelom prostoru Bosne i Hercegovine i u „Službenim novinama Federacije Bosne i Hercegovine“.

Član 23.**(Utvrdjivanje rang liste kandidata za policijskog komesara)**

Nezavisni odbor razmatra prijave kandidata, provjerava dokumentaciju kandidata i u skladu sa propisanim uslovima iz člana 33. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23) i svih predviđenih kriterija iz člana 35. istog zakona utvrđuje rang listu od najmanje dva kandidata.

Član 24.**(Pozivanje kandidata za policijskog komesara na intervju)**

Kandidate koji ispunjavaju uslove konkursa Nezavisni odbor poziva na intervju.

Nezavisni odbor će unaprijed obavijestiti kandidate o usmenom intervjuu, u razumnom vremenskom roku, ali ne kraćem od tri dana prije zakazanog intervjua.

U pozivu za intervju kandidat će se obavijestiti o datumu, vremenu i mjestu održavanja intervjua.

Član 25.**(Obaveza provođenja intervjua)**

Intervju sa kandidatima za policijskog komesara provodi Nezavisni odbor.

Član 26.**(Način provođenja intervjua)**

Intervjuom će se ispitati kandidatove kvalifikacije, uključujući, ali ne isključivo kandidatovo obrazovanje, stručno iskustvo, poznavanje unutrašnjih poslova i kriminalistike, vještine usmenog i pismenog izražavanja, komunikacijske i druge sposobnosti i vještine u korištenju kancelarijske tehnologije.

Nezavisni odbor će kandidate intervjuisati pojedinačno.

Član 27.**(Usvajanje standardnog obrasca)**

Nezavisni odbor će usvojiti standardni obrazac za ocjenu kandidata koji će popuniti članovi Nezavisnog odbora koji vode intervju.

Standardni obrazac za ocjenu kandidata svakog člana Nezavisnog odbora poslužit će za konačnu procjenu kandidata.

Članu Nezavisnog odbora dostavit će se kopije obrazaca za ocjenu kandidata ostalih članova Nezavisnog odbora.

Član 28.**(Sačinjavanje i dostavljanje rang liste)**

Rang listu sa obrazloženjem Nezavisni odbor dostavlja ministru Ministarstva unutrašnjih poslova u roku od 20 dana od dana isteka roka za podnošenje prijave na konkurs.

Ukoliko dva ili više kandidata nakon izvršenog bodovanja od strane svakog člana Nezavisnog odbora budu imali jednak broj bodova, a po broju bodova se nalaze na prvom i drugom mjestu na Rang-listi najuspješnijih-najboljih kandidata, odnosno dijele prvo i drugo mjesto na navedenoj listi, pristupiće se postavljanju jednog dodatnog pitanja za te kandidate, (ranije utvrđenog), te zatim bodovanju datog odgovora.

U slučaju ponovnog imenovanja za drugi mandat, Nezavisni odbor ocjenjuje cjelokupan rad policijskog komesara na osnovu ranije razmatranih mjesečnih izvještaja o radu policijskog komesara i izvještaja o radu Uprave policije.

Član 29.**(Nemogućnost sačinjavanja rang liste)**

Ukoliko Nezavisni odbor na osnovu objavljenog konkursa ne može sačiniti rang listu od dva kandidata koji ispunjavaju uslove konkursa, konkurs će se ponoviti u roku od 15 dana od dana okončanja objavljenog konkursa.

Ukoliko se po ponovljenom konkursu ne može sačiniti rang lista od dva kandidata, Nezavisni odbor prijedlog jednog kandidata koji ispunjava uslove konkursa, putem ministra Ministarstva unutrašnjih poslova, dostavlja Vladi Kantona radi imenovanja.

VI ODNOSI SA JAVNOŠĆU**Član 30.****(Davanje izjava medijima)**

Na zahtjev medija, (pisanih ili elektronskih), predsjedavajući Nezavisnog odbora ili lice koje on ovlasti, mogu davati izjave i u njima iznositi isključivo zvanične stavove i odluke Nezavisnog odbora.

VII FINANSIRANJE NEZAVISNOG ODBORA

Član 31.

(Pravo na naknadu za rad)

Članovima Nezavisnog odbora pripada pravo na naknadu za rad u visini koju svojim aktom utvrdi nadležno radno tijelo Skupštine Zeničko-dobojskog kantona.

VIII PRELAZNE I ZAVRŠNE ODREDBE

Član 32.

(Način vršenja izmjena i dopuna Poslovnika)

Izmjene i dopune ovog Poslovnika vrše se na način propisan za njegovo donošenje.

Član 33.

(Prestanak primjene ranijeg Poslovnika o radu)

Danom stupanja na snagu ovog Poslovnika, prestaje da važi Poslovnik o radu Nezavisnog odbora za izbor i reviziju („Službene novine Zeničko-dobojskog kantona“, broj: 15/19).

Član 34.

(Stupanje na snagu i objavljivanje)

Ovaj Poslovnik stupa na snagu danom stupanja na snagu Odluke Skupštine Zeničko-dobojskog kantona o davanju saglasnosti na isti, koji će zajedno sa navedenom Odlukom biti objavljen u „Službenim novinama Zeničko-dobojskog kantona“.

Broj: 01-03-10261-1/23
Datum, 30.06.2023. godine
Zenica

PREDSJEDAVALAČI
Semir Šut, s.r.

335.

Na osnovu člana 18. Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04) i člana 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13), Skupština Zeničko-dobojskog kantona, na 11. sjednici, održanoj dana 17.07.2023. godine, d o n o s i

O D L U K U

o potvrđivanju Programa obilježavanja
Dana Zeničko-dobojskog kantona za 2023. godinu

I.

Potvrđuje se Program obilježavanja Dana Zeničko-dobojskog kantona za 2023. godinu.

II.

Sastavni dio ove odluke je Program obilježavanja Dana Zeničko-dobojskog kantona za 2023. godinu.

III.

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-04-11435/23
Datum, 17.07.2023. godine
Zenica

ZAMJENIK
PREDSJEDAVALAČE

Goran Bulajić, s.r.

336.

Na osnovu člana 3. stav 1. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13), Vlada Zeničko-dobojskog kantona, na 24. sjednici, održanoj dana 15.06.2023. godine, d o n o s i

P R O G R A M
OBILJEŽAVANJA DANA
ZENIČKO-DOBOJSKOG KANTONA
za 2023. godinu

I) Polaganje cvijeća na spomen obilježju koje je najbliže sjedištu Kantona

Datum: 29.08.2023. godine (utorak)

Vrijeme: u 09,00 sati

Mjesto: Zenica

Nosioci aktivnosti: Predsjedavajući Skupštine i Ured Premijera.

OBRAZAC IZJAVA O FISKALNOJ PROCJENI**Obrazac IFP NE****A 1. Obradivač propisa**

Razdjel	KOD	NAZIV
10010001		SKUPŠTINA KANTONA

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE

Naziv propisa/akta**C 3. Izjava o nepostojanju dodatnih fiskalnih efekata predložene propisa**

Donošenje odnosno provođenje Odluke o davanju saglasnosti na Odluku o izmjenama i dopuni Poslovnika o radu Nezavisnog odbora neće imati fiskalne posljedice na Budžet u smislu obezbjeđivanja dodatnih budžetskih sredstava.

D 4. Pečat i potpis odgovornog lica obradivača, odnosno predlagачa propisa

Semir Šut, predsjedavajući Nezavisnog odbora

Mjesto i datum

Zenica, dana 24.11..2023. godine

